


鎮坪縣乡土志

中華民國



月

二十六年
日

二十九年



鎮坪縣鄉土志目錄

邑人劉式金幼賓編次


卷之一

星度第一 天象肇徵 人事攸垂 代有主掌 莫之或廢

地理第二 山川幽阻 所麗實弘 闕染禁詰 民生治原

建置第三 明季而上 人空地塞 清乾嘉朝 漸事邊要

祠祀第四 國之大事 在祀與戎 民視民聽 服教奉神



人物第六國於天地賴人以立明德達才間世而生
選舉第七官師教化治術攸關涵濡默運計在百年
物產第八民財民力與物推移闢殖有道富強可待

卷之三

風俗第九人情習尚與時變化端視士夫相為轉移
兵歲第十妨民之事惟歲與戎如何而可老死弗聞

鎮坪前為平利縣丞分駐要鎮也向無考平利續修縣志時口

屬在此者又置之弗聞以故事不多見宣統元年縣丞楊文瀛
奉檄限纂鎮坪鄉土志以備陝西憲政編查館暨通志局採輯
之用時布衣王子葆卿蓋嘗述之余從而讀之竊謂限制弗置
考核弗精非志法也民國五年張縣佐世垣先後延請邑宿賴
于于麟吳子顯齋更番修輯其書雖未覩然大匠繩墨必有定
法悉合志體惜司存掌故弗嚴歸烏有矣余適在籍為先母守
墓樹臣袁邑侯謬采虛聲詔充陝西通志鎮坪縣採訪主任限

應相忘余荒陋而弗文也矣民國十二年癸亥八月朔拜嵩

卷之一

星度志

天象肇微人事攸垂代有主掌莫之或廢
述星度第一

舊興安州志曰天文家云井鬼右四星屬川西左四星屬全秦

諸郡縣平利文興安界實量八十里鎮坪西北琉璃壩交平利

界實量一百二十六里該處至平利城實量又一百二十六里

合之去興安都四百一十有二里余曰星之分野應與蜀之巫

溪原名大寧

楚之竹谿得比例焉考四川夔州府各縣分野翼

軫湖北鄖陽府各縣如之我邑位夔與鄖之中星分野翼軫當無疑義按平利志分野井宿兼翼軫平利去興安近故井宿兼翼軫我邑去平利遠去巫溪竹谿近故曰居翼軫無疑姑述於此以俟專門博士而考證之

按平利志光緒十七年奉部飭各縣實測度數我邑於大暑節後十一日測鎮坪城求得北極出地三十一度五十四分五十

度三十一度五十四分五十四秒緯度偏西五度四十三分十
二秒又測邑西北鄉發龍山交平利界得經度三十二度二分
十五秒得緯度偏西五度五十分二十秒又測邑東南鄉雞心
嶺交竹谿巫溪界得經度三十一度四十九分三十秒緯度偏
西五度四十分

余兒時恒記夏酷暑至銅壺漏盡炎威不退弗克安寢冬奇
寒必擁衾圍爐不敢外出仲冬之月雪恒深沒脛少年喜事

者往往撮雪獅雪人於街心逾月不溶當時氣候流行於此
可見自光緒庚寅高山洋芋壞後人民流亡一空夏月從無
大熱冬時亦不大寒雖癸巳冬漢水冰結斷流我邑亦不十
分過冷滇人盛稱其地之氣候融和云四季無寒暑一雨便
成秋鎮坪近三十年彷彿似之附識之以資考證

地理志

山川幽阻所麗實弘關梁禁詰民生治原

鎮坪在興安府東南廣人里一百一十三里鳥里四十六里縱

南至中茅壩中心石交巫溪一碗泉界實量五十六里東南至

雞心嶺交竹谿巫溪界實量三十二里西南至大榆河兩扇門

交四川城口(原太平分出)界實量七十四里東北至竹葉關交

竹谿關垵子界實量一百一十里西北至琉璃垵交平利界實

量一百二十六里由鎮坪至京師陸程三千七百四十五里至

省陸程一千二百六十里至府陸程五百六十里實量四百一

十二里至平利縣陸程三百六十里實量二百五十二里我邑居

羣山萬壑中，碣嶽關梁隨在皆。是其山最高者，東有乾洲河之
山東坡，三隻眼亮堽子，仰天窪，西有平溪河，之灰堆河，亮風堽
南有中茅壩之中心石，北有竹溪河，之發龍山，靈官殿，又東南
有下茅壩之雞心嶺，西南有大榆河，之兩扇門，大梁東北有竹
葉關之關堽子，大梁西北有馮家營之浪河，腦東西二河，腦上
述諸山均高，挿入雲，渺不可攀，俯視諸山，直如兒孫，繞膝擁護
目前，其脈以發龍山為祖，右幹走石門溝，原梁迤南，經客村河

大梁至兩扇門其左一支伸出為小澍河之陽其右一支伸出為小澍河之陰陰也陽也夾送其流至青雲觀而止又由兩扇門迤東經大小榆河大梁其左一支伸出為三茅壩至城南羅漢洞蜿蜒而下至澍河口之安福寨而止其右一支由軍口伸出至貓子廟而止又由大小榆河大梁迤東至中心石其下為中心場又東至雞心嶺更東經楚地蔡子壩原梁不五里下即緣溪關由此轉東過小關其下有舊瓦子坪汎在焉又東轉經

仰天窪過界嶺子其左伸出一支至石門子而止其陰即石門
坪之老街在焉其右轉北經山東坡三隻眼馬鞍山其下縣城
在焉又北經亮埡子龍家坪其下有古文彩關在焉又北經漆
松黃草山磨子坪過關埡子經五尺溝大梁過花園至天坑峽
為出境處右幹由靈官殿經黑壩迤西經劉家台經卓家坡其
下有永興塲在焉又迤西經太平坡舒曲而行經金子台經小
溝經白土嶺經白硃峽經老莊子經柿樹溝經新寨子由此至

雞心嶺在下曰茅壩河是二水各流或百里或四五十里至貓
子廟為一西北流二十里至鎮坪城西乾洲河注之又西流二
十里澍河注之復西北流十里竹溪河注之又西北流五里石
砦河注之匯流至此乃名曰南江河查南江河實堵河第一正
支其他恐無此澎湃急湍也復西北流七十里大小湖溪之水
注之又三十里竹葉關之水注之又北流五里浪河注之又北
流五里百忍溝之水注之又北流十五里至天坑峽出鎮坪境

是水之在鎮坪也流三百里無一利賴滅頂之耗時有所聞利
非不可興如有鉅款鑿通洗沙灘白硃峽天坑峽磷磷之可憎
可惡者一旦舟舶往來轉運稱便雖蕞爾山國未始不可與通
都大邑相牟奪焉其他支流之源又不可不志也如乾洲河源
出五眼水東南流至水岔口其東皮風溝其東南天窩壩之水
入之流至城西入正河又大澍河之源有三一出灰堆河一出
亮風壩一出戴安河西北流至漁蓬子南客村河之水入之迤

雲觀入大澗河又竹溪河源出發龍山流九十里至塘房入正
河又石砦河源出亮埡子流三十里至太極山入正河又浪河
源出大小東河大小西河太平河椒陽河諸水注之東流入正
河所謂正河者即南江河之簡稱也其關四曰緣溪關當湖北
四川兩路曰小關(即瓦子坪之小關子)當湖北西溝一路曰文
彩關當湖北石墊河劉家坪唐家坪各路曰竹葉關當湖北黑
兔坪王二壩各路皆形勢阨要險峻羊腸真一夫當之萬夫色

變所望有人民之責者無忘設關守國之義可也其卡八東鄉
西面河界嶺子東南鄉雞心嶺南鄉中心石西南鄉兩扇門西
北鄉牙河口西鄉牙河腦北鄉竹葉關東北鄉琉璃埡前縣丞
按月賚造以領經費名曰緝捕經費他無論矣而四川之兩扇
門中心石雞心嶺湖北之關埡子界嶺子等處每月定與隣省
各廳縣互換哨票一次並出與印結城口巫溪竹谿各廳縣賚
此縣丞印結以憑領款鎮坪縣丞則聽書吏捏造按月呈報各